

## 1996 nr. 6 19. mars

### Lög um Siglingastofnun Íslands

Tóku gildi 29. mars 1996, komu til framkvæmda 1. október 1996. Breytt með 1. 38/1997 (tóku gildi 1. jan. 1998), l. 121/1999 (tóku gildi 30. des. 1999), l. 73/2002 (tóku gildi 4. nóv. 2002, sbr. l. 111/2002) og l. 29/2003 (tóku gildi 3. apríl 2003; EES-samningurinn: XIV. viðauki reglugerð 1406/2002).

#### ■ 1. gr. Yfirlitjörn.

- Samgönguráðherra fer með yfirlitjörn siglinga-, hafna- og vitamála, nema annað sé ákveðið í öðrum lögum.

#### ■ 2. gr. Siglingastofnun Íslands.

- Siglingastofnun Íslands fer með framkvæmd siglinga-, hafna- og vitamála samkvæmt lögum þessum og öðrum lögum sem um þau mál fjalla. [Aðsetur Siglingastofnunar er í Kópavogi, nema ráðherra ákveði annað.]<sup>1)</sup>

- [Siglingamálastjóri]<sup>2)</sup> skal að fenginni umsögn hafnaráðs og siglingaráðs skipaður af samgönguráðherra til fimm ára í senn. [Siglingamálastjóri]<sup>2)</sup> ræður annað starfsfólk stofnunarinnar.

<sup>1)</sup> L. 121/1999, 2. gr. <sup>2)</sup> L. 73/2002, 9. gr.

#### ■ 3. gr. Verkefni Siglingastofnunar Íslands.

- Verkefni Siglingastofnunar Íslands eru:

1. Að annast þátt ríkisins í framkvæmd hafnalaga.
2. [Að annast þátt ríkisins í framkvæmd laga um sjóvarnir og hafa umsjón með ríkisstyrktum framkvæmdum vegna lendingarbóta.]<sup>1)</sup>
3. Að annast framkvæmd laga um eftirlit með skipum, laga um mælingu skipa og laga um skráningu skipa.
4. Að annast framkvæmd laga um vitamál, laga um leiðsögu skipa og laga um kafarastörf.
5. Að annast mál er varða lög um varnir gegn mengun sjávar og reglugerðir samkvæmt þeim að því leiti sem þau varða skip og búnað þeirra samkvæmt reglum sem umhverfisráðherra setur.
6. Að annast samstarf við alþjóðastofnanir og framkvæmd alþjóðasamþykktu sem Ísland er aðili að og varða siglinga-, hafna- og vitamál.

7. Að fylgjast með rannsókn sjóslys og veita aðstoð við rannsókn þeirra ogrita umsögn um sjópróf til ríkissaksóknara.
8. Að annast mál er varða siglinga- og sjómannalög að því leiti sem þau tengjast skipum, skráningu þeirra og búnaði, siglingaöryggi og öðrum málum sem ráðuneytið kann að fela stofnuninni varðandi siglingar og áhafnir skipa.
9. Að vera stjórnvöldum til ráðuneytis um mál sem eru í verkahring stofnunarinnar.
10. Að annast gerð áætlana samkvæmt lögum um samgönguáætlun.]<sup>2)</sup>

11. Að annast framkvæmd laga um vaktstöð siglinga.
12. Að eiga samstarf við Siglingaöryggisstofnun Evrópu (EMSA) með það að markmiði að auka öryggi í siglingum, draga úr mengun frá skipum og koma að sjónarmiðum íslenskra stjórnvalda í starfi stofnunarinnar.]<sup>3)</sup>

- Siglingastofnun Íslands er heimilt með samþykki samgönguráðherra að fela öðrum að annast ákveðin verkefni.

- Siglingastofnun Íslands er heimilt með samþykki samgönguráðherra að kaupa og fara með hlut ríkisins í rannsóknar- og þróunarþýrtækjum, m.a. til þess að stuðla að útflutningi á íslenskri pekkingu á starfssviði stofnunarinnar.
- Samgönguráðherra getur með reglugerð kveðið nánar á um hlutverk og starfshætti Siglingastofnunar Íslands og einstök verkefni hennar.

<sup>1)</sup> L. 38/1997, 1. gr. <sup>2)</sup> L. 73/2002, 10. gr. <sup>3)</sup> L. 29/2003, 1. gr.

#### ■ 4. gr. Hafnaráð.

- [Samgönguráðherra skipar hafnaráð. Í hafnaráði skulu eiga sæti sex fulltrúar og jafnmargir varamenn. Þar af skulu tveir tilnefndir af Hafnasambandi sveitarfélaga til fjögurra ára í senn að loknum sveitarstjórnarkosningum. Einn skal tilnefndur af Samtökum atvinnulífsins að loknum alþingiskosningum. Þrír fulltrúar skulu skipaðir án tilnefningar að loknum alþingiskosningum og skal einn þeirra vera formaður ráðsins. Varamenn skulu skipaðir með sama hætti. Atkvæði formanns ræður úrslitum ef atkvæði falla jöfn.]<sup>1)</sup>

<sup>1)</sup> L. 73/2002, 11. gr.

#### ■ 5. gr. Verkefni hafnaráðs.

- [Verkefni hafnaráðs eru eftirfarandi:

1. Hafnaráð veitir samgönguráðherra umsögn um tillögu samgönguáætlun, sbr. lög um samgönguáætlun.

2. Hafnaráð gefur ráðherra umsögn um breytingar á lögum og reglum er varða hafnamál og sjóvarnir.

3. Hafnaráð er stjórn Hafnabótasjóðs samkvæmt hafnalögum. Hafnaráð hefur umsjón með greiðslulættöku ríkisins við hafna- og sjóvarnaframkvæmdir og afgreiðir umsóknir um tjónabætur sem sendar eru til sjóðsins.

4. Hafnaráð er Siglingastofnun til ráðgjafar um framkvæmd áætlana í hafna- og sjóvarnaframkvæmdum.]<sup>1)</sup>

- Hafnaráð skal halda fundi með fulltrúum sjómanna og útgerðarmanna a.m.k. einu sinni á ári.

- [Siglingamálastjóri]<sup>2)</sup> situr fundi ráðsins, með málfrelni og tillögurétti, ásamt þeim starfsmönnum stofnunarinnar sem hann telur ástæðu til eða ráðið óskar eftir. Skal hann leggja þar fyrir þau mál sem falla undir verksvið ráðsins samkvæmt framansögðu eða ráðið óskar eftir.

<sup>1)</sup> L. 73/2002, 12. gr. <sup>2)</sup> L. 73/2002, 9. gr.

#### ■ 6. gr. Siglingaráð.

- Samgönguráðherra skipar siglingaráð sér til ráðuneytis um siglinga- og vitamál. Í siglingaráði skulu eiga sæti ellefu fulltrúar og jafnmargir varamenn. Þar af skulu þrír fulltrúar skipaðir án tilnefningar að loknum alþingiskosningum og skal einn þeirra vera formaður ráðsins. Átta fulltrúar skulu skipaðir til allt að fjögurra ára samkvæmt tilnefningu eftirtalinnar aðila sem tilnefna einn fulltrúa hver: Farmannao- og fiskimannasamband Íslands, Málmur, samtök fyrirtækja í mál- og skipaiðnaði, Landssamband íslenskra útvegsmanna, Landssamband smábátaeigenda, Samband íslenskra kaupskipautgerða, Sjómannasamband Íslands, Slysavarnafélag Íslands og Vélstjórafélag Íslands. Varamenn skulu skipaðir með sama hætti.

#### ■ 7. gr. Verkefni siglingaráðs.

- Siglingaráð skal vera ráðgefandi aðili fyrir ráðherra og [siglingamálastjóra]<sup>1)</sup> í siglinga- og vitamálum. Siglingaráð skal fjalla um breytingar á lögum og reglum er varða siglinga- og vitamál.

- Siglingaráð skal fjalla um öryggismál skipa og sjófarenda, svo og meiri háttar endurbætur og breytingar vitakerfisins. [Siglingamálastjóri]<sup>1)</sup> situr fundi ráðsins, með málfrelni og tillögurétti, ásamt þeim starfsmönnum stofnunarinnar sem hann telur ástæðu til eða ráðið óskar eftir. Skal hann leggja þar fyrir þau mál sem falla undir verksvið ráðsins samkvæmt framansögðu eða ráðið óskar eftir.

<sup>1)</sup> L. 73/2002, 9. gr.

#### ■ [8. gr. Siglingaöryggisstofnun Evrópu.

- Samgönguráðherra skal setja reglugerð, sbr. 12. tölul. 1. mgr. 3. gr., sem felur í sér að reglugerð Evrópuþingsins og

ráðsins (EB) nr. 1406/2002 frá 27. júní 2002, um stofnun Siglingaöryggisstofnunar Evrópu, verði innleidd í íslensk lög.]<sup>1)</sup>

<sup>1)</sup> L. 29/2003, 2. gr.

■ [9. gr.]<sup>1)</sup> *Gildistaka.*

□ Lög þessi öðlast þegar gildi en koma ekki til framkvæmda fyrr en 1. október 1996. . .

<sup>1)</sup> L. 29/2003, 2. gr.

■ **Ákvæði til bráðabirgða.** . . .